
Riassunt da la tschanteda da la suprastanza cumünela dals 29 avuost 2023:

Protocol dals 09.08.2023

Il protocol da la tschanteda dals 09.08.2023 vain approvo.

Revisiun da la ledscha e la convegna culs pumpiers

Ad es gnieu decis cha'd es d'unificher la ledscha, la convegna ed il reglamaint d'organisaziun da la Corporaziun Pumpiers Plaiv.

La suprastanza decida d'aderir a la ledscha da pumpiers ed a la convegna dals pumpiers a maun da la radunanza cumünela.

Management d'ova La Plaiv

Sün iniziativa dals presidents cumünels da La Plaiv ho que do ün'informaziun a las suprastanzas d'organiser nouv il provedimaint d'ova illa Plaiv.

Il böt füss d'avair 1 capolavuraint superiur büschneider (Brunnenmeister) per las 4 vschinaunchas.

Mincha vschinauncha ho d'avair üna persuna respunsabla pel provedimaint d'ova (Wasserwart). Quist'organisaziun es independenta dal lavuratori.

La suprastanza decida da sustgnair l'ideja, da cuntinuer cul proget e d'elavurer ün preventiv da cuosts ed organisaziun pel management d'ova La Plaiv.

Finanziaziun dal proget reservuar Bügls praisa d'ova Murtiröl

Per pudair cuntinuer cul proget praisa d'ova Murtiröl e reservuar Bügls sun d'elavurer las variantas pussiblas per la finanziaziun causa cha las reservas i'l conto dal mantegnimaint nu sun sufficiintas per finanzier il proget.

La suprastanza decida da finanzier il proget cun taxas da colliaziun specielas da 1% da la valor nouva dals stabilimaints. In avegnir vain la taxa ordinaria augmantada da 1% sün nouv 2%. Il böt dess esser cha tuot ils possessuors haun pajo zieva la revisiun 2% da la valor nouva da la chesa scu taxa da colliaziun. Per pudair ir a radunanza d'esser gnir preparedas las cifras. In ün seguond pass es da fer ün adattamaint da las taxas da basa e quantited.

Variantas pussiblas per l'attach d'ova Vito Schorta (Stavel)

Zieva cha la vschinauncha ho do a la famiglia Schorta il terrain per fabricher üna stalla sün dret da fabricher aint il Stavel sün terrain da S-chanf es da der la pussibilitad da tacher l'ova frascha pel nouv edifiz.

La suprastanza decida da na entrar illas pussiliteds da la direcziun e da la lascher fer ün proget per tuots ils stabilimaints pertuchos. Liun Quadri finalisescha il proget e prepara ün perimeter per scumpartir ils cuosts davent dal reservuar Bügls.

Plan da finanzas

Ils 17.08.2023 ho gieu lö üna tschanteda traunter il president cumünel, il chanzlist, la contabla ed ün cussglier extern da la Curia Treuhand AG regard ün plan da finanzas.

La suprastanza decida d'incumbenzer al chanzlist da preparar culs pertuchos operativs ün plan da finanzas chi vain tractando ils 13.09.2023.

Dumandas per sustegns finanziaels

A sun entredas 2 dumandas da sustegns finanziaels.

La suprastanza decida da sustgnair ad üna societad cun ün import da fr. 500.00.

La suprastanza decida d'aderir a la proposta e da pajer ad ün club sportiv l'import da fr. 300.00.

Adattamaint da la ruta E-Bike Pass Chaschauna

La destinaziun ho dumando d'adatter la ruta pels e-bikes dal Pass Chaschauna. Els propuonan d'adatter la ruta cha's vo aint da la nouva via chi passa sper Prasüras ed aint in Varusch e da turner sur la via veglia, usché cha nu s'ho da passer 2 voutas la listessa via.

La suprastanza decida d'aderir a la proposta e da müder il traget ch'el passa sur Prasüras/Varusch per ir insü ed ingiò sur la via veglia.

Infurmaziuns

-Jan Steiner es gnieu elet scu CEO da la Engadin Tourismus AG.

Varia

A las 20:50 vain la tschanteda alveda.

Riet R. Campell
S-chanf, ils 15.09.2023

La suprastanza cumünela